

## PREDGOVOR

U Bosni i Hercegovini, ali i šire, trenutno je prisutna značajna aktivnost na planiranju, projektovanju i izgradnji sanitarnih deponija i to naročito deponija regionalnog značaja. Sa njima se želi poboljšati stanje upravljanja otpadom, a posebno u kvalitetnijem tretmanu čvrstog komunalnog otpada. Dosadašnji način odlaganja i neutralizacije komunalnog, ali i drugih vrsta otpada, putem tzv. smetljišta ili nekontrolisanih deponija trebalo bi napustiti, budući da su izvor zagađenja. Takve objekte treba sanirati i preći na korištenje drugih metoda obrade otpada, uključujući i izgradnju sanitarnih deponija. Sanitarne deponije bi vremenom bile napuštene tokom realizacije koncepta integralnog upravljanja čvrstim otpadom, čime bi se otpad tretirao drugim metodama, dok bi se gradile samo deponije inertnog materijala koji je bezopasan za čovjeka i njegovu okolinu.

Intencija je da se mješoviti komunalni otpad treba prvo selekcionirati, a samo ostatak kao inertni materijal deponovati. Vremenske distance u realizaciji pojedinih aktivnosti na savremenom tretiranju otpada i preradu otpada, zavisice od ekonomskih mogućnosti i adekvatno obrazovanih kadrova koji će stručno odrađivati postavljene zadatke. Sanitarne deponije su specifični građevinski objekti za čije je planiranje, projektovanje, izgradnju, eksploataciju, održavanje i finansiranje nužno učešće većeg broja stručnjaka, gdje pored građevinaca svoju ulogu imaju urbanisti, geolozi, hidrogeolozi, geodeti, tehnolozi, mašinci, elektrostručnjaci, ekolozi, hemičari, biolozi, sanitarci, ekonomisti, pravnici, inspektori i dr. Neophodan je angažman nadležnih organa, posebno kod izbora lokacije deponije i rješavanja konfliktnih situacija, kad se izgrađena sanitarna deponija ne koristi prema usvojenom projektnom rješenju.

Rad je podjeljen u sedam poglavlja kroz koje sam analizirala problematiku deponije u Kurevu, preporuke i direktive Evropske unije vezane za rad i sanaciju deponije, zakone koji su aktuelni u Republici Srpskoj a diktiraju dešavanja na samoj lokaciji deponije, i povezala sa već postojećim studijima urađenim u proteklim godinama za samu deponiju u Kurevu i iskustvima deponija u regionu i svijetu. Moje viđenje budućnosti, osvrt na prošlo i trenutno stanje i mogućnosti poboljšanja same situacije na deponiji u Kurevu prikazan je kroz kompletan rad s tim da je sažetak prikazan u zaključku rada. Na kraju rada predstavila sam izvore svojih saznanja tj. spisak korištene i konsultovane literature.

*Ovom prilikom bih se zahvalila i mentoru prof. dr. sc. Veljku Đukiću na svesrdno ukazanoj pomoći prilikom pripreme koncepta i na korisnim sugestijama koje sam dobila prilikom pisanja ovog rada, kao i svima koji su pomogli da ovaj rad dobije na svom kvalitetu.*

*Dijana Tadić*